

P970.1.116

MEYOO-ACHIMOOWIN


MENA

NUMOWEYA PA-PETOOSAYIMOWUK.



TORONTO:
METHODIST MISSION ROOMS,
TEMPERANCE STREET.

B 53499



JUL 16 1940

“ MEYOO-ACHIMOOWIN.”

(1 CORINTHIANS XV. 1.)

NUMOWEYA etukwun, net itayetān, kotuk ayumewin ekooyekook āka ā nisetochekatāk eyekook unima ayumewin “Meyoo achimoowin.” Ke pātānanow tutoo kesikow, mena kē ke’ pātānanow uspin ka awasiseweyuk, maka mechāt, apoccheka ootayumehowuk, āka mitoone ā kskāyetukik mwāche ka itumomukuneyik.

Kinwās ā ke’ ootawasimisimit Muneto ā moyā kiskāyetumapan tapwā. Omise maka mwāche itetakwun, “Muneto oo wetumakāwin,” apo “*Meyoo wetumakāwin*,” ākwa maka ā etwanik “Meyoo achimoowin meyoo achimomukun kiche meywatu-moowin. Numawekach awusimā ke meyoo pātānwun achimoowin kichekesikook o’che ispeche oma meyoo achimoowin. Numawekach awusimā ke me-yootakwuneyew achimoowin ootawukawak misewā ka itusit ayiseyinew. Ispe āngeluk ka ke’ pā yasetchik unehe ookunowemayutikwāwa kistikanik uneta cheke’ Bethlehemik, “Pātumook, *kuskāyetumoowe* achimoowin ke pātumatinawow?” Numa: “Pātumook, ke pātamatinawow *meyoo* achimoowin kiche meywatamoowin o’che, kakeyow ayiseyinewuk kitta tipāyetukik; chikāma keyawow o’che netawekew *Oopimachehewāo*, unooch ka kesikak.” Kespīn ke’ itāyetumwuk uneke ookunowemayutikwāwuk tapis-kooch ka itāyetukik mechāt oweyuk unoo’ch oo ke’ itwātwwow, “Numoweya ne tapwātānan ā meyoo achimoowinewuk. Pisisik pātakoosewin. Ookee āngeluk we’ kukwā mikooskachehāwuk ayiseyinewa, kiche o’che ayumehayit. Ookee āngeluk

ke we mikooskachikikoonow. Ākaweya tapwātak.” Ākwane mwāche ka itwāt Sātan umoo’ch. “Ākaweya tapwātumook ā meyoo achimoowinewuk meyoo achimoowin ke ka kukwatukehikoonawow piko.” Kiskāyetum ayiseyinewa kespīn tapwātumeyewa meyoo achimoowineyew Sāmak ā o’tinumeyit. Numoweya maka oweyuk ka tipāyimikoot muche munetowa tapwātum ā meyoo achimoowuneyik meyoo achimoowin. Maka Ōkee ookunowemayutikwāwuk ke tapwātumwāwuk āngela oot achimoowineyewa, ākose ke sakuskināyewa ootāiwawa meywatumoowin o’che, Kespīn napāsis pātowāo oweya ota musinuhumakoowineyew, numa na ke ka ke kiskāyetānawow ka meyit ooskesikook tanise ā itachimoostowit? Kespīn meyoo achimoostowow Sāmak ke ka waputumwanawow ooskesikook. Kespīn wetumowow ookoosisa, wayow kotuk uskek, ka nise-wunachehisoooyit ookoosisemowa. Sasai maka kawē ā ute kiskāyimisooyit, tapiskooch una ka achimit Luke neyanunoosap matinumakunik, numa na ket itāyetānawow mitoone kitta wasāyayik ooskesikook āspeche meywāyetuk? Mena kespīn wewa ota wetupimathe numoweya kutta pāhoo patima kewāche eyekook kitta meyat, apo patima piko kukwāchimikootche, sāmak kutta meyāo, ākose westa kitta nookootayew ā weche meywāyitumoomikoot. Maka oma meyoo achimoowin awusimā meywāyetakwun ispech āwuko. Ke nipinanow wunetewinik mena muchetewinik, ākose meyoo achimoowinik ket ochestumakoowinenanow pimatisewin. Muneto oonootinakuna ket awinanow, maka meyoo achimoowinik ke mooche meyikoonanow kawē-ootootāmitoowin. Wunetipiskisewinik ayow uske, ket usootumakoowinanow maka wasāyasewin. Chikāma ayiseyinew ā tapwātuk ka itwāmukuneyik meyoowachimoowin, Chriṣta ā wasāskumeyit uske, āwuko oche unoo’ch ka kesikak uske tipāyetumoomukun wunetipiskow. Maka ā tapwātuk ayiseyinew, sāmak waputum wastāo Calvaryik o’che, mena pimootāo tuke ita ka wasetāyik pesimwa.

Ke we wetumatinawow kākwi ka o'che meywāyetuman meyo achimoowin. Chikāma mawuch māyootakwuk achimoowin wekach ka ke' pātuman. Awuko o'che naspich ne meywāyetān kitta ayimootuman, āspeche meyooototakooyan. Numoweya oweyuk kutta ke' wetum taneyekook ka meyooototakoot, maka ne ka ke' wetān, net itāyetān, ate't kākwi ka ekutānumakooyuk. Ne ke' ekutānumak nāo mawuch ka ayimisitwow ne nootinakunuk.

Pāuk nistum una ka koostachenakoosit nootinakun. 1 Cor. v. Matinumakunik ka achimit iskwayach nootinakun, *nipoowin*. Meyooachimoowin ke' ekutānumoomukun. Mechātwow ne kunokiskisin nesitunow uskewina uspiñ kayas ā moyā ke' ache netawekeyan naspich ā ke' wunetipiskak ne nekari-menak ā mamitoonāyetuman. Mitoone ne kiskisin ka ke' ise koostuman nipoowin, naspich ā koostachenakwuk, mitoone ā wunetipiskak ita kā pimotāyan kitta natuman: mena ā ke' koostacheyan unima mikooskathe kesikow kitta pā otichepnyew ispe kā nasit; ā ke' itāyetuman maka kitta meywasinopun kinwās pitima kitta akooseyan, kitta o'che kiskāyetuman ispe kāchenach kitta pā nasit. Kayas ne kistupenanenak mana kespīn oweyuk nipepun mwāche tutwow āse pipoonwāt ākwane tutwow mutwātineyew. Numawekach uspin ka kiskiseyan nipoowin ke' petookāmukun net etowinenak āka ā uketuman tutwow ka mutwātineyike. Askow tāpukoop tutoo mitunow tutwow, askow ayenanāo tutoo mitunow, askow chukuwasisiwa, nantow metatut tāpukoopoosap piko, mena askow mwāche neya tutwow āse pipoonwāseyan. Mistuhe ne ke' koosikwāyetān. Ne ke' sakwāyymoon ākoospe. Ne ke' mamitoonāyetān tanise ā tukayik, oochiche nipoowin ā kukwāche kachitinuk ne pimatisewin ne taik o'che. Ne ke' itāyetān nantow kitta sipwātisuhookooweyan kotuk ayimisewine uskek kakekā kitta ayayan.

Ā ke' ise kunowaputuman peche yikwuhuskanik, mākwach ka watekanekāt ā peche wāpinuk uske,

"Uske kitta uskek ispuyik; pikootāo pikootāk ispuyik, usiske kitta usiskek ispuyik." "tapiskooch," ne ke' itāyetān, "ā nutoomit nesta kitta nipeyan." Maka misewā oma petoos isenakwun unoo'ch. Yikwuhuskanik numwoveya ākwa ne miskān koostachewin. Mākwach ā pīmotāyan kiche kesikoo'k ise ne ka ke' tāpwan, "O, nipoowin, tanewā ke wesukoochoowāwin, tanewā ke wesukoochoowāwin?" Mena ne pātān ā nuskwāwusehikoweyan Calvaryik o'che, "Nunuhe-
 nekatāo oopeyoomoowineyik Muneto ookoosisa." Ke muskumāo nipoowin oo wesukoochoowāwineyew weya tipeyuwā ā ke' wesukoochoot ootāik neya o'che. Kespīn ket ochipitumwan amoo animāyew ka o'che chesoowāt, numoveya ke ka koostow ākwa awusimā ispeech kotuk munechoos. Ākose kāyapich nipoowin ke' wunetow unimāyew ka o'che wesukoochoowāt ayiseyinewa: Una iskwāyach ne nootinakun sasai sakoochehow, ā kunowapumuk ākwa net itow, "Sakoochow." Oma piko (neyow) kayase Adam nipoowin kitta ke' otinuk, mena keyam piko eyekook, kitta pā otinun. Meskooch ne ka meyikoowin kāsāyetakwuk meyow, apisisinoowe meyow awusimā kāchayewuk ispeech oma. Kespīn tapwā unoo'ch keemooch ke' pā petookāo ota ita ka nepoweyan, Mena ka miskwumewuk oochiche kitta o'che saminuk netai', kitta o'che kipichepukuhuneyik, ne ka o'che opiskan māywasik uskek ise kiche wapumuk Kiche Okemow. Meyooachimoowin ke o'che isehow ne nootinakun kitta ootootāmimit. Māywasik kiskāyetumawin, nipeyune oospitoonik Jesus ke kewātuhik kakekā ayuwāpewinik ise. "Kiche nipik," itwāo Apostle, "āwuko otisewin." Ispe ke nuheyāwuk ke Tipāye'chikāmenowa Josepha ooyikwukuskaneyik kisewak nanitow ākota ā upit nipoowin oo ke' itwāpun, "Ne tayawow, ne sakoochehow. Ke' itwāo, 'neya oowuniskawin mena pīmatisewin.' Maka ākwa sakooch ne michiminow, ke' itāyimow, ākawekach kitta nipit, maka wapumik unoo'ch. Cheest, ochetow kitta meyit ne kistāyimi-
 koowin." Numawekach! Ute wapun! Mawuch kis-

tāyetakwun kākesāpayow! Eyinewekoosisan pekoonumwāo nipoowin ootukoopisoowineyew, mena wuniskow yikwuhuskanik o'che ā sakoochehewāt. "Chikāma ā pimatiseyan," tāpwāo, "kestawow ke ka pimatisinawow." Aha, *kesturwow ke ka pimatisinawow*. Numa na meyoachimoowin āwuko? Ah, net otāmetik, numoweya kitta ke mucho achimoomukun achimoowin ka nesookumakooyuk kitta meyoo pimatiseyuk kutta meyoo nipeyuk.

Kotuk ka mikooskatāyetakwuk ne nootinakun, āwukwanima *muchetewin*. Tapwā kutta koostatāyetakwun āwuko kesikow, ne ke itāyetān, ispe kakeyow ne muchetwina, mena ne wunetewina ka pā totuman uspin ka pā awasiseweyan, tutoo kemooch itāyetumoowin, tutoo mucho pukoošāyimoowin, kakeyow kākwi ka totuman wunetipiskisewiniik, kakeyow mitoone kitta pātanewuk wasāyasewinik, ātas-tumupitchik kakeyow oweyuk misewā uskek ka pā etatchik uspin ka pā uskewuk! Muneto kutta nunaskoomow, sasai ne wunetow oohoo itāyitumoo-wina Meyoo achimoowin ne wetumakoon ā ke' usānekatake ne muchetewina Christ o'che. Sākān ā ke' sakehit kakeyow ne muchetewina ke usāw-āpinum. Ākose tapwā meyawasin piko kitta ayake. Muneto numawekach usākapowew; mosuk nekan ise pimotoā. Kespın ootanak ise wāpinum ke muchetewina numawekach mena kutta waputum. Āwuko mwāche weya ka awāchekakāt. Ootanak ita ka nepowit Muneto Sātana kutta ke mis-kumakoot muchetewineyew. Taneyekook wayow, mena che wekach kutta ke' pā kewāmukunwa? "*Eyekook wayow wapunook ā etukwuk iskoō ka pulcisimook ekooyekook wayow ke ke' ekutānumakoonow ke muchetewinenowa*. Numoweya atet piko—misewā wāpinum. Keyam ta-tukootusta ke muchetewina peyis ka kuketāwak wuchee isenakwunwa; metatwow kiche metatoomitunow maka ayewakepuyeta unehe meskooch āka ka kunokiskisetotumun; āk-wa mitoone ā uketumun kakeyow muchetewin ka ke pā totumun, keyam pāuk pisketusinuhikunis

piko ne ka ayumetan ākose mitoone kutta ekutānekatāo oma wuche; “Oomikoomeyew Jesus Christ ookoosisa ke kasenumakoonow misewā ke muchetewinenowa.” Pāukwow pāuk ookiskinoohumakāo ke’ kukwāchemāo napāsisa kespīn itukwuneyikoopunā kākwīyew āka kə kuskētayit kitta totumeyit Munetowa: “Aha,” itik awasisa. “Numoweya kuskētow kitta waputuk ne muchetewina sapoo Christa oo mikoomeyik.” Tapwā, numoweya kusketow ākose kitta totuk. Mikoo ukwunuhumoomukun. Numache meyoachimoowin āwuko kitta ke’ ekutānumakoweyun ke muchetewin? Ke pā natow Christ ā muchatiseyun, ā tapwātumwut oomeyoachimoowin, ket ekutānumakoowin ke muchetewin, ke nutoomik ākose kitta totumun’ numa; ke pukoo-sāyimik kitta natut. Ke nutoomikoowin kitta natut. Ke nutoomikoowin kitta pukitinumun ke muchetewin meskooch Christ, mena oo kwiuskisewāpisewin. Numa na āwuko meyoachimoowin?

Kotuk etukwun ne nootinakun kayas mistuhe ka ke mikooskachehikooyan—*Ooyusoowāwin*. Nekan ne ke’ etapin mechātwow iskoo ka koostachenakwuk kesikow ispe kā nutoomikoweyan ātastumupit Muneto, numoweya ne ke’ kiskāyetān tanise kā pātowuk Christ, apo kitta isit, “Nukusin ka nanipoomikoweyun,” apo kitta isit, “Petookā ke Tipāyechikām oo meywatumoowinik.” Mena ne ke’ itāyetān numoweya oweyuk ayiseyinew kitta ke’ kiskāyetum tantā, oo kicheniskeyik apo oo numutiniyik kā ayat patima piko nepowitche nekanemik uneta ki’che wapiskawe upewinik. Maka meyoachimoowin ne wetumakoon sasai ā kwuyachikatāk āwuko, “Unoo’ch numoweya nanepoomowuk.” “Tapwā, tapwā” — waputumāko maka āwuko ayumewin ki’che musinuhikunik sāmak ke kā kiskāyetānawow ā ute wechekatāk kākwi naspich ā kistāyetakwuk “tapwā, tapwā, kititinawow, una ka pātuk net ayumewin, mena ka tapwātowat Unehe ka pā isitisuhooyit kakekā pimatisewin *mākwach ayow*, mena numoweya kutta nanipoomow, maka sasai *mayaskum*

nipoowin pimatisewinik ise.” Kespın āngel ke’ pā ootootāo Muneto oo kiche upewinik ā pā wetumakooyuk maka piko kākwi kā nutowāyetumuk sāmak kitta meyikooyu’k — pa-pāuk kitta meyit mwāche ka ise nutowāyetuk—kakwi kā pukoosāyetumun? Pāuk piko nuskwāwusehewāwin kutta itukwun, maka uskek mena ki’che kesikook kutta pātakwun ā tāpwanewuk āwuko — “Pimatisewin! kakekā pimatisewin! Ākwa numoweya ne ka nani-poomikoowin muchetewin o’che. Numoweya wawanāyetumoonanewun āwuko. Sasai Muneto kwayach ke’ wetum, Christ ke’ ooyusoowatow neya o’che, ne ke’ nipoostumak, ākwa maka ne tipāyimisoon. Una ka tapwātuk weya *got ayan*, o-o-t a-y-a-n, oot ayan—pimatisewin. Numache āwuko meyo achi-moowin? Pāuk napāo ne ke’ ayumehāstumak un-oo’chekā, pātus kitta ayayan kakekā pimatisewin ute *iskwayanik*. Numa ne ke’ kusketan “āmen” kitta itwāyan āwuko o’che. Kespın ka ituk, ne ke meyikowin kakekā pimatisewin kākāt nesitunow uskewina uspin kayas, ispe ā ke’ o’che netowikehikoweyan. Kākwi unima Kisā-Muneto oo mākewin kespın numoweya kakekā pimatisewin! Mena kākwi ka o’che wechekatāk unima meyo achimoo-win? Numa na ā mākemukuk kakekā pimatise-win piko owāna oomuchatis kitta mooche otinuk? Āwuko maka oosam ka nutowāyetukik ayiseyinewuk. Kakeyow petoos kakwi pikwunetow isenakwunwā. Kespın naspich ka wāyootisit napāo ayow napekwanik wepuch naspich ka we’ nisewunatuneyik, kespın nantow itik oweya ke ka pimachehitin kespın meskooch ke meyin misewā ke wāyootisewina. Numoweya kitta kukwāchimāo taneyekook kā pimatiseyan maka sāmak kitta meyāo, ata ucheyow piko ochetow kitta pimatisit. Maka meyo achimoowin oo mākewin āwukwanema kakekā pimatisewin — numoweya ucheyow. Numache maka mawuch mamuskatāyetakwun ayiseyinewuk ā nepowitchik kitta nutoomitwow mena naspiche eyinewa

kitta o'tinumeyit oma mowuch māywasineyik Munetowa oo mākewineyew?

Net otāmetik, pāuk itā etukwun itā āka kitta ke' koostumuk nipoowin apo muchetewin, ākota piko maka tapwā kitta nepowew āka ā sākisit—Calvaryik. Net uskenak muskootāk itākā ā tukwakik maka kinwās uspin āka ā ke' kimewuk, mākwach maka ā machechik napāwuk, askow pusitāo muskootāo. Askow, ā kiche nootik, kutta ke' nookwun ā kwakootāk nantow nesitunow misit ā ispak, ayiseyineu mena pisiskew ā o'che nisewunatisitchik, ā ispeche sokuneyik. Ayiseyineu maka ā waputukik kākwi ka totukik kitta tupusetatchik? Kiskāyetumwuk āka ā kusketatchik kitta tupusetatchik ā pimeputatchik o'che, chikāma awusimā kesepuyew iskootāo ispech ayiseyineu, apocheka mistutim numoweya kusketow. Matches o'che suskuhumwuk muskosea ita ka nepowitchik waska. Pimepuyew iskootāo, maka ā nepowitchik uneta ita ka ke' pusitāyik sasai pimachehowuk. Pātumwuk ā mutwā pātakwuke kwakootāwina mākwach ā mayaskakootchik, waputumwuk nipoowin ā keyipe tukoozinomukuneyik naspich ā muskowesemukuneyik, maka numoweya nunumepuyewuk mākwach waska soke ā kwakootāyike chikāma ita ka nepowetchik sasai ke' iskwatāyewa, ākose numoweya kutta koostachewuk. Numutukwun kākwi kitta iskwatāyik. Itukwun pauk itā Muneto sasai ka ke' kwayachetat. Metatut ayenanāosap tutwow metatoomitunow uskewina uspin ka ke' kiche kwakootāk Calvaryik, Muneto oo koosisa ā ke' moosetayit, ākwa maka kespīn ke' nepowestānanow asitāyatikook chekech, ke pimachehikowinanow.

Oomuchatis, ke we' pimachehikowin che unooch ka tispikak? Ke we' puspitisinikoowin che muchetewin o'che kayas unooch iskoo ka pā totumun, mena kootāyimewāwina o'che unoo'ch o'che kā o'che kootāyimikoweyun? Kespīn ākose ket itāyetān keyam kakekā kistapiskak ise nepowe. Keyam nipoowin, yikwuhuskan, mena ooyusoowāwin kutta tukoosin-

omukunwa; Christ ke' sakoochewāo, mena weya o'che ke ka sakoochehewan. Oh, numache ke ka o'tinān oma meyoo achimoowin unooch ka tipiskak—oma ka mamuskatāyetakwuk ā achimoostakooyāk tanise ka ke' pukitinisoot keyawow o'che? Atet ayiseyinewuk ispe kukāskimewanewuneyike meyooachi-moowin mitoone kuskāyitumwuk isenakoosewuk, tapiskooch ā we' wechehewāitchik ka nuhenumeyit ka nipeyepun oweya, apo kitta waputukik ka ise nipuhemit ooniputakāswa. Ne ke ochestumakoowin kitta wechāwukik uneke ka ke' puspitisi-natchik unehe ka kukutāwiseyit ayiseyinewa ākawekach mena kitta awukaneweyit mākwach ā petookātwow Richmondik āwukwane oo nootinakunewawa oo kiche ootānayewa. Numoweya kinwās ne ke' ayan peyis ne ke' pātān kukutāweyinewuk ā we' petookātwow ā we mumatokoosetwow. Okoo ayiseyinewuk mākwach ā ke' tipāyimisootwow; ke' ute pukitineyewa ootukoopisoowineyewa mena pichānik ute nisitiskakoowuk tapwā ā tipāyimisootchik. Kāchenach kutta kistāyetakwun oma ka we' tohekatāk ne ke' itāyetān, āwuko o'che ne ke' itāyetān, āwuko o'che ne ke' petookan pāuk oot ayumehāwikumikoowak naspich ā misayik, mitoone maka sakuskināo. Pāuk ayumehāwikemow, kukutāweyinew kāyapich ke' usootum kitta peki-skwāt. Nunatook napāwuk naspich ka neta pekiskwāitchik ne ke' pā pātowowuk kayas uspin, maka ākwāyak, net itāyetān, ā pātowuk tapwā mitoone ā nuhetotuk. Ke itwāo, "Ookawematik, mumatakoosik unoo'ch ka kesikak; tuginā unooch o'che ke ka tipāyimisoonawow. Una ka upisesisit awasis numawekach mena kutta otinik kespitoonewak o'che, kitta Sipwātisuhoot wayow kotuk uskek ise. Ke tāiwawa numoweya ākose mena kutta pekoonikatāwa—ke tipāyimisoonawow." Iskwāwuk ke' pupasichichāhumowuk, mena naspich soke tāpwāwuk, "Kutta mumatakoohow, mumatakoohow, mumatakoohow, Muneto." Āwuko oo meyooachimoo-winewow, mena ke' tapwātumwuk. Tapwā ke' sa-

kuskināwuk mumatokoosewin oche. Ākwa maka ayumehāo ooskinekewa, mena itāo, "Ooskineketik! Mumatakoosik unooch ka kesikak, sasai iskwayach ke pātānawow ā mutwā itisuhookooyāk una ka ke' tipāyimikooyāk, ket awasimisewowuk kutta tipāyimisoowuk! Ooskinekitik mumatukoosik unoo'ch, Kakekā ke tipāyimisoonaowow!" Ke pupaschich-ānāwuk mena tāpwāwuk "Kutta mumatakoohow Muneto!" Ke tapwātumwuk ka pātukik, "Ooskinekwātik!" ākwa itwāo, "Mumatakoosik unoo'ch ka kesikak, Sasai iskawayach ke ke' pukitini-koowinawow kitta awukaneweyāk. Ke tipāyimisoonaowow—kakekā ke tipāyimisoonaowow—kakekā ke tipāyimisoonaowow!" Ke' tapwātumwuk, mena tāpwāwuk, "Kutta mumatakoohow Muneto." Numawekach ne ke' petookan itā ka tapwātukik eyekook oke ka tapwātukik, ke tapwātumwuk oomeyooachimooowinewow.

Net otāmetik, awusimā meyoo achimoowin ispech āwuko ke pātumatinawow. Numawekach Awukan ke' tipāyimik okemowa ekooyekook ā muchāyetakooseyit, ā muchatiseyit, mena ā ayimiseyit eyekook unehe ka tipāyimikootchik uneke ka utooskuwat-chik Muche munetowa. Net ayumehow che napāo una ka tipāyimikoot iskootāwapooyew? Christ ke ka ke' meyk kuskehāwisewin kiche wāpinumun āwuko minikwakun, mena kitta poone keskwāpāyun, kawē kitta o'che sakehutchik ket iskwām mena ket awasimisuk, Aha, kititin keya iskwāo ke napām ka keskwāpāt, ke meyoo achimoostakoowin, ke napām kutta ke' poonetow mitoone ookeskwāpāwin kitta meywatisit mena. Mena keya ka kitimakiseyun oomuchatis, keya, ka ke' pā nootinut Muneto mena mistuhe ka ke' wunetotumun ke pātumakoowin meyoo achimoowinik poonāyetumakāwe ayumewin. Ke nutoomik Muneto kawē kutta ootootāmimut, "Keyam kawē ootootāmimik Muneto." Weya tipeyuwā ka musinuhumask, ket otām. Oma pāuk kawē ootootāmitoowinewe achimoowinis unoo'chekā ka wetuma-

koweyan, maskooch nantow ke ka wechekoonawow upises.

Pāuk okemow ke' etow ka pāukooyit ookoosisa: Mechātwow maka ka pāukootchik ookoosisimowuk nisewunachehowuk ā pukitinumatchik piko ā itāyetukik kitta itotukik. Naspich ke ute nayāta-wisew owa ooskinekew: Mechātwow ke' kisewahāo otaweya. Pāukwow ā kesikak ke' kisewahitoowuk, tapiskooch naspich ke kisewasewuk: Ākose otawemow itāo ookoosisa, "ne ka meywāyetān kitta sipwātāyun, mena ākawekach kitta pā kewāyun." "Ne ka sipwātan," itwāo ooskinekew, ākose numoweya ne ka pākewan patima piko nutoomeyune." "Numawekach ke ka nutoomitin," itik otaweya. Sipwātāo ooskinekew, Maka ipse ā pukitinikoot ookoosisimow otaweya, numoweya pukitinik ookaweya. Keyawow, ookawematik ke ka ke' nisetotānawow āwuko, ā ata āka nisetotutik otowemawuk. Ke kiskāyetānawow mawuch ā muskowak ookawemowe sakehewāwin, Nunatook kākwi' kutta ke' o'che puskāwehitoowuk napāo mena wewa: Mena kāyapich kitta ke' puskāwehitoowuk otawemow mena ookoosisa, Maka numawekach kutta ke' pusikoomukuneyewa kākwi' kitta o'che nuyātawehitoochik ookawemow mena ootawasimisa. Kāchenach itowuk atet ookawemowuk oosam mistuhe ā ke' minikwāchik iskootāwapooyew ākota *usiche* ā ke' minikwatukik oo sakehewāwinewow. Maka unoo'ch net achimow *tapwā* ookawemow—numawekach kutta wāpiwāo ookoosisa.

Ākwa, ookawemow ke' ute musinuhumowāo ā pukoosāyimat ookoosisa nekan kitta pā musinuhumawayit otaweyewa; ākose kutta usānumakooyewa, Maka ooskinekew ke' itwāo numawekach ne ka kewan patima piko nutoomitche N'otawe." Ākose iskwāo pukoosāyimāo oonapāma kitta nutoomayit ookoosiseyewa, maka ke' itik, "Numawekach ne ka nutoomow." Wepuch maka ākoospe o'che ke' ute akoosew una ookawemow—muskikeweyinewuk ke itwāwuk, "Numoweya kitta ke' pimatisew." Ākose

napāo, naspich ā we totumwat piko kākwiyeŵ ka nutowāyetumeyit oot iskwāma ā moyā poonepimatiseyit kukwāchimāo ākose ise. "Aha," itwāo, pāuk kākwi etukwun kitta ke' totumun: Nutoom keyam ne koosis. Āwuko ka nutowāyetuman kitta ke totoweyun, Kespīn keya numoweya ke kitimakā-yimow mena sakehow, ā nepeyapan owāna etookā kā totowakwā." "How," itik oonapāma, ne ka musinuhumawow omise ise "Ke we' wapumik ke kawē." "Numa," itāo. "Ke kiskāyetān āka kitta pā kewāt neya ā nutoomuk, keya tipeyuwā ke ka nutoomow kespīn wekach ne ka wapumow." Ākwa iskwiyach ootawemow ke' musinuhumowāo tipeyuwāo ooweyoowinik ā nutoomat ookoosisa kitta pā kewāyit. Sāmak, ākose ā nutoomikoot otaweya, ntowe wapumāo kākāt ka poonepimatiseyit ookaweya. Ā pasketānuk iskwatām wapumāo ookaweya kākāt ā nipeyit. Otaweya maka ā nepoweyit cheke' nipāwineyew, Otawemaw ke pātum ā pasketāpuyik iskwatām, ke wapumāo ookoosisa, maka meskooch āka ā watcheamat awusitā itākā peche waskuhikunik ke' ute nepowew, Ookaweya ke michiminumak oochicheyew—naspich ā ke' kuskāyetuk mena kitta wapumikoot. Oochāmāo ākose omise itāo, "Ākwa, ne koosis, keya nekan watcheayim kotawē." Nekan ā ayumehut, mitoone kutta meyoopuyew. Maka ooskinekewa itik, "Numa, ne kawē, numoweya nekan neya ne ka ayumehow—patima piko ayumehitchē." Ke' tukoonumwāo oochichek, kwāskētā maka oochiche ke' o'che tukoonumwāo ookoosisa oo chicheyew, ākose ise maka ā pukoosāyimat, mākwach āte nipit kitta kawē ootootāmitooyit. Āka maka ā ke' kusketat kiche ayumit, tapiskooch ke' sukichichānāo unehe oonapāma mena ookoosisa, ākose maka ā nipit. Ooskinekew ke' kunowapumāo ookaweya mena napāo wewa, peyis pekoopuyeyew Otawemow ootāi', ākose sowiniskāstowāo ookoosisa ā o'tinat mena kitta otawemat, kitta ookoosisimikoot—ākose ootootāmimitoowuk.

Oomuchatis, akawach nisetotakwun oma awāchikun, chikāma Muneto numoweya kisewasew ata

māchatiseyun. Ke pāsehitin unoo'ch ka tipiskak unēta ita ka ke' nipit Christ. Ke pukoosāyimitin kitta kunowapumut ā ise wesukoohoot oo chichek, oositek, mena oo spikak. Ākwa maka ke kukwāchimitin, "Numa na ke ka pukitinisoon kiche kawē ootootāmisk?" Ispe ka ke' nukutuk kiche kesikook naspich ke' tuputāyimoohisoo, mistoosooyakunik ā ke' netawekit kiche oche natat mawuch ka muchatiseyit, aha, kiche oche ustat oochicheyew ka nisewunachehisooyit oochicheyek unehe otaweyewa, ā nipit maka kiche oche ootootāmitooyit. Kespīn ke we' pātowinawow, numoweya ke ka nipanawow unooch kā tipiskak patima piko ootootāmimitooyāko Muneto. "Kawe ootootāmimitook." Oh, oma kawē ootootāmimitoowe meyoachimoowin. Numache meywatu-moowe meyoachimoowin āwuko?

Mena, numoweya tipuhikatāo oma meyoachimoowin; piko oweyuk kutta ke' ayow; numoweya ke ka ke' kukwāchikāmooty, owāna ootayan oma meyoachimoowin?" *Keya* ket ayan. Kespīn ke nutowāyetān Christ tipeyuwā kitta wetuk, keyam pā wechāwin uneta Jerusālemik ita iskwayach ka watcheayimikoot ookiskinoohumawakuna. Calvary, mena misewā oo kukwatuketawina, ootanak sasai wāpinikatāwa; Gethsemane mayaskikatāo; Pilate oot ooyusoowāwikumik usiche, Sasai' ke' mayaskum yikwukaskan, Mena ute upew oo kicheniskeyik Otawemawa. Waskaskak ka chukuwasiseyit oo kiskinoohamawakuna—unehe nukutatche kā achimikoot. Otichepuyew sasai ispe wa nukutapun, ākose "iskwayach ayumewina" we oche ayumehāo utcheyow. Kunokiskisetotasoo che mākwach? Kunokiskisetotum che kiche upewin ka pāhikoot, mena kā ise meyo o'tinikoot Otaweya. Kukwā kiskisew che tanise ka ke' pā etit kayas o'che, apo che kiskisetotowāo ootootāma ka pā pinitisuhookoot ākoospe iskoo, maka ākwa kā kuskāyetumeyit, ā nukutat? Numa, *keya* ka mamitoonāyimisk; kutta mamitoonāyimāo unehe ka sakehikoot? Numa, Muchatis, *keya* ākoospe ka ke kunokiskisetotask. Ke' kunokiskisetotowāo

oonootinakuna unehe ka ke' muchāyimikoot, ka ke' nipuhikoot; ke' mamitoonāyetum kākwi awusimā kespín kitta ke' totowakoopunā. Mena ke mamitoonāyemāo unehe kā pukwatikoot, unehe āka kā tapwātumeyit oomeyooachimoowineyew, unehe kā itwāyit "oosam meywasin, numoweya kitta ke tapwāwinewun," mena unehe kā itisooyit, neya numoweya ne ke nipoostumak." Ākwa maka, ā kuno-wapumat ookiskinohumowakuna, *naspich* ā kiti-makāyechikāt, iskwayach ise sekimāo,—“Sa-sipwātāk *misewā uskek*, mena wetumakook *kakeyow oweyuk* meyooachimoowin.” Kākat mitoone iskwayach oot ayumewina “*kakeyow oweyuk*.”

Kākat net itāyimow Peter omise kitta ke' itwāpun, “Tāpāyechekāyun, tapwā che ka itwāyun kitta wetumowuket *kakeyow* oweyuk meyooachimoowin? “Tapwā. Peter.” “Ne ka kewanan che Jerusalem kitta kukāskimuketchik uneke oomuchatisuk ka ke nipuhiskik?” “Aha, Peter, kewāk mena ākota pāhook kitta meyikoweyāk kuskehāwisewin isipimik o'che.” Ochestamakook weyawow nekan meyooachimoowin. Nunatoonik una napāo ka ke sikwatit ne skesikook; wetumowik ā poonāyetumowuk! Numoweya kākwi n'tāik etukwun, piko kitta o'che sakekuk. Nunatoonik una ka ke' poostustootinit thorn ustootin o'che, *naspich* ā ke' wesukuhoot, wetumowik ā ayayan kwayach kiche kesikook net otānowewinik, māywasik ustootin kespín we' o'tinum pimachehewāwin! Numoweya pāuk thorn kutta etukwuneyew kakekā, maka kutta kikiskum oo Pimachewāma oo ootānowewineyek. Miskowik una napāo ka ke' otinuk ne suskuhoon nechichek o'che kiche o'che otamahoot ništikwanik, kitta o'che awusimā wesukuhookooyew thorn ustootin. Kespín maka we' o'tinum pimachehewāwin ā mooche meyuk ne ka meyow kuskehāwisewin kitta tipāyechekāt. Tapwā ne ka ochestumowow kitta wetupimit ne kiche upewinik. Machak, natik una napāo ka ke ootamahoot oochiche o'che, miskak mena kukāskimik meyooachimoowin wetumowik Jesus Christ oo mikoom kitta ke' o'che pākehit mi-

sewā kakeyow oomuchatis. Mena Neya ne mikoom ā ke' sekinuman sākān weya o'che'! Tapwā isa mena kutta ke' itwāpun, "Machak, nunatoonik, una ka kitmakisit semakunis ka ke' tukumit tukuchikun o'che; wetumow ā kusketat petoos ise nowuch kitta natuk ne tāt ispech āwuko; wetumow ā poonāyetumowuk sākān; mena wetumow ā we' isehuk kitta semakunise wit asitāyatik o'che, ākose "ne sakehewāwin āwuko kitta o'che ookiskewāhoonāo."

Ne nunaskoomow Muneto *misewā* oweyuk kitta kukāskimit meyoachimoowin. Ne nunaskoomow Muneto *sākān* ā pukitinikatāk. Numoweya etow pāuk ayiseyinew ekooyekook ā muchatisit oosam āka kitta ke' poonāyitumakoot Munetowa — kutta ke' kachitinikooyewa Munetowa oo kisāwatisewineyew. Aha ne nunaskoomow Muneto ā kusketayan kitta kukāskimuk meyoachimoowin una *mawuch ka muchatisit*. Ne nunaskoomow mechātwow ekooyekook ā itustāke oohoo ayumewina, "Piko owāua." Christ ā nutoonat ayiseyinewa. "Muneto āspeche sakehat uske, ke' pukitināo oopāukoosisana, *piko owāna* teapwātowakwā, kitta ayaty kakekā pimatisewin." Mena "*piko owāna itāyetuke*, keyam sākān kutta otinuk pimatisewe nipe."

Ne ke pātān āse achimit pāuk iskwāo, ā ke' itāyetuk "numa pāuk etukwun usootumakāwin kiche musinuhikunik neya o'che." Kakeyow kotukuk o'che, ke' itāyetum. Pāukwow ā kesikak meyow pāuk musinuhumakāwin, ākose ā pasketānuk sasai kiskāyetum āka weya tipeyuwā ootayan āwukwāyew musinuhumakoowin, maka kotuka iskwāwa mwāche ā isenekasooyit. Maka ākota ke' o'che kukwāchehisoo, kespīn ne miskānatookwā usootumakoowin *neya* tipeyuwā o'che tanise kā ke' kiskāyetuman *neya* āwuko āyayan, ispech kōtuk iskwāo?" Ākose maka ise ke miskum piko kitta otinumwat Munetowa oot ayumewina, "Piko owāna" westa kāyapich kitta itit ā pātuk maka ākose ise meyoachimoowin, kitta otinumasoot. Ne kiskāyetān ka itumomukuke unehe nesoo ayumewina, "Piko owāna," kāchenach omise

itwāmukun, “kakeyow iskwāo, kakeyow napāo, kakeyow awasis, misewā itā oma māsak uskek una napāsis pāuk, kotuk una ka wapistikwanāt, mena una ooskiuekiskwāo ka ooskatisit, ooskinekew mena ka pekoonumwat ookaweya ootāiyew; una ka kesk-wāpāt, naspich ā ayimisit, naspich ā muchatisit, Oh, net otāmetik numa na ke ka tapwātānawow oma meyooachimoowin? Oma ka mamuskatāyetakwuk Christ oomeyooachimoowin, numache ke ka o’tinānawow? Keya kātimakiseyun oomuchatis, numa na ke ka kusketan kitta tapwātumun *keya* ka usootumakooweyun? Ke ka ke’ itwan che, osam meywasin kitta tapwāchekatāk?

Ohio uskek, ne ke’ ayan kayas ākwa, nowuch, ākose’ ne ke’ nutoomikoowin kiche kukāskimewāyan kipuhootoowekumikook. Metatut pāukoosap tuto metatoomitunow kipuwakunuk ke pāsewowuk ayumehāwikumekook, atāstumupeyan ā upetchik. Ākose ā kukāskimewāyapan, ayumehāwikemow omise ne ke’ itik, “Mr. Moody, ke’ we’ achimoostatin tanise ka ke’ ekik ota pāukwow peche oma ka petookāyuk. Unoochekā ooyusoowāwikemowuk ke’ pukoosāyimāwuk ka tipāyetumeyit uske kiche poonāyetumowayit neyanun napāwa ā meyoowatiseyit o’che. Ke’ tapwātum, piko itwāo, numa kutta kiskāyetakwun, ākose nikootwasik pesim eyekook kutta koochehowuk, uneke maka mawuch, ka meyooototukik kutta usānumowowuk mena kutta tipāyimisooowuk, “piko owāna,” numa kitta papetoosāyimowuk. A poonepuyike maka nikootwasik pesimwa kakeyow kipuwakunuk ke pāsewowuk ayumehāwikumekook. Ooyusoowāwikemowuk ke petokāwuk, una maka ka nekanit ke’ nepowew, otinum atet pāpewa oo’poketik, o’che, mena omise itwāo, “Ne tukoonān ne chikek poonāyetumakāwina neyanun napāwuk o’che.”—Ayumehāwikemow maka ne ke’ wetumak ākawekach ā ke’ kiskāyetuk kākwi ākose ā isenakwuneyik. Mitoone pāpāyatuk kakeyow napāo ke’ upew tapis-kooch nipoowin; mechāt ke’ ute wāpinasooowuk mena tapiskooch naspich ā kuskāyetumenakoosi-

chik ; kakeyow mitā ke' poone pukuhun net itāyetāty. Okemow ke' ute wetumowāo tanise ka ke' kusketayit oo poonāyetumakoowinewawa, maka ayumehāwikemow kitootāo, "Āmoyā pekiskwāyun keyam weta' weyoowina, naspich kuskāyetakwun oma." Ākose nistum weyoowin ayumetow, "Reuben Johnson keyam kutta pā natum oo poonāyetumakoowin," pāskis ke' nookootow, maka. Numa oweyuk pā natum. Ke kukwāchemāo ka tipāyimayit, ā itat "Kakeyow che etowuk kipuwakunuk?" "Aha," itik, "kakeyow ata' etowuk." Ākose mena itwāo, Reuben Johnson kutta pā natum oot usānumakoowin, ka tipāyetuk oma uske ke itusinuhikahisoo. Tipāyimisoo una kipuwakun." Numawach pāuk ke pusikoo. Ayumekāwikemow ke' kunowaputumwāo mwāche ita ka upeyit Reubena ; mitoone ke' kiskāyimmimowa ; kākat nesitunow uskewa ākota ke' ayayewa, mechāt maka ke' kunowapumāwuk keyipe kitta pusikooyit, ā itāyetukik. "Maka weya, Reuben, westa nunatoowapumāo unehe napāwa ka ke' meyooitāyimimit ekooyekook kiche poonāyetumamit. Iskwayach ayumehāwikimow mwāche ke' wapumāo ooskesikooyek mena itāo, "Reuben, *keya*, ka itisk." Reuben maka ke' kwāskupew a nunatoowapumat Reubena. Neswow maka ayumehāwikimow itāo "Reuben, *keya* ka itisk," ākose maka *neswow* Reuben kukwā wapumāo unehe kā meyimit tipāyimisoowineyew, "kotuk Reuben," ā itāyetuk. Ākose mwāche ayiseyinewuk numoweya tapwātumwuk weyawow tipeyuwā ka nutoomikootchik Munetoo meyoaehimowinik. Oosam meywasin itāyetumwuk, ākose keyam kotukuk kutta ayowuk itāyetumwuk. Maka *keya* ka itisk unoo'ch ka tipiskak. Ayumehāwike'mow ke' kiskāyetum tanise ā itāyetumeyit Reubena' ākose n't'wach nistwow itāo, "Reuben, pā nata ke poonāyetumakoowin." Ākwa maka iskwayach ke' ute nisetotum kisāweyineyew ; ke' pusikoo mena ute itootāo kitta natuk ā nunumepuyit misewā weyowik, ā meyit maka oopoonāyetumakoowin, kunowaputum, mena kewāo oot upewinik ise ā upit maka mena ā

matoot. A ke' pusikootchik maka kipuwakunuk kitta kewāitchik kipuhootoowekumikook ise westa Reuben ke wechāwāo, peyis ayumēhāwikemowa mena tāpwatik, "Reuben, ākaweya wechāk, ke tipāyimisoon, numoweya awusimā ke kipuwakunewin." Akwa Reuben ke' opimākapowew. Tipāyimisoo! Akwane ka ise osetatchik poonāyetumakāwina ayiseyine-wuk. Osetowuk ka meywatiseyit o'che. Maka Muneto ochestumowāo unehe *naspich* ka muchatiseyit poonāyetumakāwina. We poonāyetumowāo kakeyow oomuchatisa oomuchetewineyewa piko ita ka ayayit, kespīn we' otinumeyit. Piko toowekana, piko ā ise ayayit, keyam mawuch mistuhe ka pisikwatiseyit, apo mawuch ka muchetotumeyit, apo mawuch ka keskwāpāyit, apo mawuch ka kimooteyit, "piko owāyewa;" ne pā wetān unoo'ch ka tipiskak *kakeyow oweyuk* kitta poonāyetumat meyoachimoowinik.

"NUMOWEYA PA-PETOOSĀYIMOWUK."

ROM. iii. 22.

AWUKO oma pāuk unehe tapwāwina ayimun o'che ayiseyinewuk ka kukwā nisetotukik. "Nowuch ne meywatisin ispech neche ayiseyinewuk," mosuk ke we itāyimisoonow, mena kespīn *tapwā* ke miskānow nowuch ā meywatisitchik ispech keyanow sāmāket ute muche achimanowuk āka *awusimā* kuta me-yooachimitwow ispech keyanow. Kespīn ke we kiskāyetānawow owāna, mena tanise ā itatisitchik, keyam ayumetak Romanuk nistoo matinumakun, chikāma misewā wechekatāo ākota. "Numoweya oweyuk kwiuskwatisoo, numa, numowach pāuk. Kakeyow ke' wunetotumwuk, mena notāyatisewuk." *Kakeyow*. Atēt ayiseyinewuk meywāyetumwuk kitta achimitwow musinuhikunik ā moyā poonepimatisitwow; kespīn etawan keyawow ka wē' ayumetat āse itusinuhikatāyik oo pimatisewin, keyam āwuko matinumakun kitta kunowaputum ākose kutta mis-kum sasai ā musinuhikatāyik.

Maskooch nantow omise itwāo owēyuk, "Tapwā che ākose we' itwāo, 'Numoweya petoosāyī'mowuk?'" Āka ka minikwāt itwāo, "Numa na awusimā ne meywatisin ispech una kakekā ka keskwāpāt?" Ota sāmāket ne ka etwan oma, awusimā meywāsīn āka kitta minikwāt oweyuk ispech kitta keskwāpāt; -mistuhe meywāsīn kitta tapwanewuk ispech kitta keyaskenānewuk; Meywāsīn oweyuk ā utawakāt kwinsk kitta totuk ispech kitta wuyāsehewāt, apocheka oma pimatisewinik. Makā' ā kiche kukwāchekāmooyūket tanise kā pimachehooyūket numa nantow ākota aputun piko kitta kunokiskiseyūket oma, "Kayeyow ke' nootow otetumwāwuk Munetowa oo kistāyē'takoosewineyew." Oo netawekewinewow o'che kakeyow ayiseyinewuk mutchatisewuk. Kuyase Adam oot itatisewin muchayewuneyew, ākose numoweya ke ka ke' meyoo

menisewinenow patima pikó ā ayaniskoomooyikoo-
 weyúkoo tapwa meyoo menisatikook. Kespín āyayan
 menisatikoo kistikan ita ka netawekitwow nesoo
 menisatikwuk ka netawekitatchik maka menisa
 āka ā aputuneyike āspeche akwuneyike, nantow che
 awusimā ne ka ke' itāyimaty pāuk ispech kotuk
 ata pāuk neyanunwow metatoomitunow menisa ā
 netawekitat ākose kotuk nesoo piko ā netaweketat?
 Numoweya petoosāyimowuk; pāuk awusimā menise-
 wun ispech kotuk—ākwane piko. Maka kakeyow
mayatuneyewa. Akose mwāche ayiseyinew. Pāuk
 itāyetum nesoo piko ā apesasike muchetewina net
 ayan. Muneto numoweya kitta muchāyetum āwuk-
 wune; una kotuk, matika, numoweya iskoonum pāuk
 unehe metatut itusoowāwina āka ā pekoonuk! Numa
 nantow, numoweya petoosāyimowuk—kakeyow mu-
 chāyimowuk; kakeyow ke pekoonumwuk ituso-
 wāwin. "*Mitoone tipetota itusoowāwin*" ke itiko-
 winanow, kespín maka numoweya ke kusketan ākose,
 ke nanepoomikowin, itusoowāwin o'che oote. "*Piko*
owāna kā kunowāyetuk misewā itusoowāwin pāuk
chukepāhiunis piko kitta nayātowetotuk, kakeyow o'che
nanepoomow" Kespín ke koosawāwāpitow napāo pe-
 wapiskoweyape o'che, kespín maka pāuk woweyowa-
 pisk pekoopuyew petoos che āwuko ispech kakeyow
 kitta pekoopuyike? Numoweya isa. Pāuk woweyowa-
 pisk pekopuyew ākose pukisin napāo. Maka nayāta-
 wun numa che, pāuk piko ā pekoopuyeyik kitta o'che
 pukisik, kāyabīch maka ā misewāyayike kakeyow
 kotuka? Numoweya, kespín pāuk piko pekoopuye-
 yew mwāche tapiskooch totowow napāo apocheka
 kakeyow ke' pekopuyiyike—pukisin. Akose mwāche
 una napāo ka pekoonuk pāuk itsoowāwin kakeyow
 o'che nanipoomow. "Onanipoomow," itāyimik Mune-
 towa. Waputumook kipuhootoowekumik, pāukwow
 kiche metatoomitunow tu'too itā ka kipahootchik.
 Atét ākota kipūwowuk nipuhitoowin o'che. Atét
 kimootewin o'che. Atét ā keyaskewe itusinuhikāt-
 chik o'che, papetoos muchetotumoowin o'che, keyam
 papetoos ke ka ise itowuk maka kakeyow kutta

ayimehowuk. Kakeyow he pekoonumwuk itusoowāwin, ākose maka unooch tatipuhumwuk. Ākose maka itusoowāwinik *kakeyow* ayiseyine^w nanipoomik Munetowa.

Kespin napāo itwāo, "Ne ka ke' musinipāhumwow piko oweyuk ootāi mwāche ka isenakwuneyik," oweya che, ket itāyitān, kutta natik? Numoweya pāuk napāo otā ka ituseyūk ākose kā pukitinisoot misewā mwāche ka isenakoosit kitta musinipāhuma't ā ata tipuhuma't. Ke meywāye'tānanow k'ikwa'kunninow kitta musinipāhumakoweyu'k, kwiusk ā sākoohooyu'k mena ā kasekwāyu'k pitima; kespin maka awusimā meyoona^w ispech kāchewak' kek^wwakuninowa, ket itwanow, "Aha; mitoone mwāche ne nuspitakoon," ā waputehiwāyu'k ket otāmenowuk. Maka keyam kutta osichikatāyew *mwāche* ka isenakoosit ayiseyine^w *ootaik*, mate ākwa napāo kitta we' waputeyesoostowat weche ayiseyine^w. Apo numoweya ke ka itāyetān ket iskwām kitta waputuk! Ke ka sākisin keya kitta waputumun ke tāi. Numoweya oweyuk kiskāyetum kākwi ka usiwutāyik mitāik piko Christ. Ke wetumakowinow omise, "Mitāi mawuch kukāyānisemukun ispech kakeyow kākwi, mena naspich muchayewun, owāna kā ke' kiskāye'tuk?" Numoweya ke kiskāye'tānow kāchewak ke tāinow, āspeche muchayewuke. Ne muche achimikowin pu'ke, maka awusimā tapwā nekiskāye'tān muche kākwi neya o'che ispech kotuk oweyuk. Numoweya pāuk meyookākwi itukwun kayase Adam oo netawikewinik. Ke tāinak ke nootinow Muneto, apocheka numoweya ke ka ke' sakehanow Muneto patima piko netawikeyu'ko A'cha'koo'k. Ne kistāye'tān kākwi āka ka o'che meywāye'tukik ayiseyine^w oma nistoo matinumakun Romanuk—Osam so'kenakwuneyew. Osam mwāche tapwāmukun ka achimomukuk. Maka chikāma āka ā saketayu'k, āwuko o'che mistuhe kutta aputun kitta kunowaputumuk; etookwā tapwā ke ka miskānow unima ka kwetowe nutoonumuk. Tapwāwin āwuko mitoone āka ā saketatchik ayiseyine^w, maka ne waputān mana unima muskike āka ka sake-

tanewuk āwuko ka o'che meyoōayanewuk. Kespīn numoweya ke we' tapwātānow ekooyekoo'k ā muchatiseyuk oma ka ise ayimoochekatāk, awusimā ke ka ke' pāswapumisootyuk. Ota pāuk etow napāo nowuch ne meyoowatisin, ā itāye'tuk, ispech ā achimit ota. Kāchenahoo upises ā meywatisit ispech kisewak ka upeyit weche ayiseyinewa; tukiā petookāo ayumehāwekumekook, weche ayiseyinewa numa wekach petookāyewa. "Kāchenach" ā meyoōitisoot, "nowuch ne ka wātisin kitta pimachehikoweyan." Maka numoweya ke ka kusketanow kiche mayaskumu'k. Muneto ke ke' meyikoonow itsoowāwin kitta o'che tipuhoosooyuk; mena oma mitoone kwiwusk tipuhikāwin, o'che "kakeyow ke nootāyatisinanow," mena "numoweya oweyuk petoosāyimow."

Paul ayimootum itusoowāwin kitta kiskinohumowat ayiseyinewa ā nanipoomeyit mena a nisewunatiseyit. Muneto ā mitoonisit ochetow nutowāyimāo ayiseyinewa kitta mitooniseyit, āwuko maka o'che meyāo kānatuneyik itusoowāwin kiche o'che tipuhoosooyit. Ne nutowāye'tān mitoone kitta nisetotumāk oma, chikāma naspich mechāt kipichekapowewuk ākota, net itaye'tān. Kukwā pimachehisooowuk ā kukwā tipetotukik itusoowāwin: maka numoweya āwuko o'che meyowuk. Uspin ka pā uskewuk numawekach pāuk ayiseyineu ke' pimachehisoo ā tipetotuk itusoowāwin o'che. Ayiseyinewuk ke' kakukwā tipetotukik—numa ke' kusketowuk, mena numawekach kutta kusketowuk. Kukwāchimik Paul kākwi ka o'che pukitinikatāyik. Omise ke nuskwāwusehikoowow, "Kakeyow mitoon kitta o'che kipootoonāt, mena misewā uske'k kitta nanipoomitchik ātastumupeyit Munetowa." Oma Romanuk nistoo matinumaunik uske ooyusoowatchikatāo mena miskekatāo ā muchayewu'k. Kakeyow ākose ke ke' miskakoonow—ooke ayumehāwikemowuk, mena ka nekanāyeta-koosichik, tapisko'ch oonisewunachehoo mena ookesk-wāpāo—"Kakeyow ke muchetotumwuk mena nootāyatisewuk."

Itusoowāwin kipuhumomukun kakeyow mitoon.

Muneto nutowāyimāo ayiseyinewa kitta tuputāyimisoooyit mooche'k ise tapwā ātastumupit, āka pāukwow kitta kitooyit, ā meyoo achimisoooyit. Ākose Muneto kutta we' ayumehāo, ispe ā itwāyit, "Ne muchatisin" mena wāpinumeyit kakeyow weya oo kwiuskisewineyew. Mosuk ne ka ke' kiskāyimow ayiseyinew sasai kisewak āyat Munetowa oot otānowewineyik: numa kitoo. Muneto mosuk kipuhumwāo ayiseyinewa ootooneyew ā moyā pimachehat. Job numoweya ke' pimache'how patima piko ka ke' poone achimisootche. Waputumook tanise Muneto ka ke' totowat. Nistum mitoone Muneto ayimehāo, ākose Joba ute achimisoooyewa tan āspeche meyoowatiseyit. "Ne ke' puspitisinowuk ka kitimakisitchik," itwāo, "Mena ookewatisuk mena una āka ka ayawat oweya kiche wechehikoot. Ne ke' ooskesikoohow una o'che āka ka wapit. Mena oosite'how una āka ka pimotāt. Ne ke' Otawimikwuk Ookitimakisewuk."

Oo ka ke' iseha'pun Job pāuk ka nekanāyetakoosit kespın ke' e'towuk ākotoowekanuk ākoospe! Tapwā ke' meywatisew āwuko napāo! Maka ākwa Muneto itwao. "Ne ka kukwāchimow upises kākwi. Keyam pukwutāhoo ākwa tapiskooch napāo! Chikāma ke ka kukwāchimitin, ākose nuskwāwusehin." Job maka sāmak kipiche ayumew, nunāpāwisew; numoweya kusketow kāyabich kitta ayimootuk oomeyoototumoo-wina. "Tāpwāo, "Naspich ne muchatisin, kākwi kā nuskwāwusehitan? Ne ka ustan ne chiche ne toonik." Maka numoweya ekooyekoo'k tuputāyimoohow chās-kwa. Munetowa upises kākwi mena kukwāchehik. Ākose maka Job itwāo, "Numawekach ne ke' nisetotān oohee kākwi—numoweya ākose n'o'che waputāty." Mitoone tuputāyimoohow ākwa ochetow we' wetum. "Ne ke' pātān ā achimikoweyun netowukak, maka ākwa niskesik o'che ke wapumitin. *Awuko maka o'che naspich ne muchāyimisoona mena ne micheyuwāsin usiskek mena pikotāk.*" Ākwa miskum mwāche ita kwiusk kā upit ātastumupeyit Munetowa, ākwa maka Munetowa, kā ayumehikoot. Ākose Muneto



nesookumowāo, mena pusikoonāo, mena meyāo nesow eyekook ka ke ayayit kayas. Kā wuskoowuk mena ka wunetipiskak ita ka ke pimotāt, kakeyow wāpepuyeyewa, mena wasāyasewew kichekesikoo'k o'che sakuskināyew oot a'cha'kwa ispe ā wapumisoot pikwunetow tapwā ā itāyetakoosit ā tastumupeyit ka pākiseyit, mena ka kunatiseyit Munetowa.

Awuko oma maka ka o'che meyikooyu'k Muneto itusooowāwin—kiche o'che kiskāyimisooyu'k mwāche ka itāyetakooseyu'k.

Pāukwow ā kākesāpayak ne ke' e'towuk net awasimisuk mena oo mammawa. "Ne ka pā kewan unoo'ch kā otakoosik kitta otapatitukoo'k."

Ne koosis ke' papusitchichāhumoo. Oh Papa, ke ka wapumanow che muskwa unita Lincoln mistikookistikanik? "Aha." Ke kiskāyitānawow naspich ā meywāyetukik napāsisuk kitta wapumatchik muskwa. Numoweya assai kinwās ka sipwātāyan, eyekook itāo oomammawa ne koosis, "Mamma, keyam ākwa kwayatchihin." Maka oo mammawa itik. "Kinwās kāyabich numoweya kutta tukoosin papa." "Maka sāmāk ne we' kwuyatchehikowin, Mamma," itwāo. Peyis tapwā ke' kwuyachehow kitta oōtapasoot—ā kasekwāt, mena kakeyow oot ayoowinisa ā pākuneyik. "Akwa maka," itik oomammawa, "pāyatu'k mitoone āka kitta weyipinisooyun mena." Oh, kāchenach pāyatu'k kutta ayow; numoweya kutta weyipinisoo. Ākose sipwātāo kitta usuwapumit. Wepuch maka oma āspeche kesikak, kinwās eyekook kā tukoosineyan, ākose wepuch nowuch kē ute mātowāo. Ā tukoosineyan maka ne wapumow mitoone ā weyipisit ooskesikook. "Numoweya ākose ke ka ke' ootapatitin kiche wapumutchik muskwuk, Willie," net itow. "Tanākā papa? ke ke itwan ā we' totumun." "Ah, maka numoweya ne ka ke' totān, misewā ā usiskewiseyun." "Numoweya ne we' wapumikowin ā wechāwuk ākotoowe ā weyipisit napāsis." Tanāke? ne pākisin, papa, mamma ne ke' kasenik." "Maka ke ke' weyipinisoon astumispe." Maka ke' ute matoo, mena numoweya ne ke' kuskehow kitta itāyimooohuk ā

weyipisit. "Ne pākisin, mamma ne ke' kasekwāhik" itwāo. Awusimā che ket itāyetānawaw, ne ke ayumehow? Numma. Sāmak ne ke' tukoonow nespitoonik net petookwuhow maka kitta tapwātawit, maka ā wapumoot tapwātum. Numoweya ke' itwāo ākwa. "Numoweya ne weyipisin."

Ākwa wapumoon ke' o'che kiskāye'tum ā weyipisit; *maka numoweya ne ke' apuchetan awuko kitta kasekwānuk—kāchenach.* Maka ākose mwāche mechāt kukwāche totumwuk. Itusoowāwin āwuko wapumoon itā kā wapumisooyu'k kā o'che kiskāyimi-sooyu'k naspich ā muchatiseyu'k mena āka ā aputiseyu'k ātastumupit Muneto: Maka atét otinumwuk kitta o'che *pākehisootchik!* Ayiseyinewuk ke kukwā totumwuk ākwa kākat nikootwaswow kiche metatoomitunow uskewina—ākose mitoone putuhumwuk. *Itusoowāwine isechikāwinik numoweya pāuk kutta o'che kwiusketatiseshow ā wapumikoot Munetowa.*

Pāuk piko napāo uspin ka pā pimatisenanewuk uske'k, ka kunowāyetuk (ā tipetotuk) misewā itusoo-win—āwuko Jesus Christ, ke Tipāye'chikāmenow. Kespin pāukwow piko ke muchetotum, naspich upises ā nootā itatisit, unimāyew ka ke' totuk ā nipoostumakooyu'k mumoweya upises kutta ke' aputuneyepun. Ayiseyinewuk maka ke kakwā totumwuk ka ke ise totumeyit, ākose tutwow mitoone putuhumwuk. Ispech kitta ukwunuhisootwow sepa oo kwiuskisewāpisewineyew, ke kukwā kwiuskisewāpise hisoowuk. Muneto ke kiskāye'tum mistuhe kitta wunisineyit ākose, "Numoweya kwiusk totum oweyuk, numa, numawach pāuk."

Keyam piko ita kitta ayat ayiseyinew—misewā kutta wunetotum. Edenik ke' koochehow; atét itwāwuk, "Pātus ākose ke' ayayapan." Kespin ke ke' ayan ākota mwāche ke ka ke' pukisinepun ka ke' ise pukisik. Petookwuhikook neyanunwow metatoomitunow awasisuk ota oma waskuhikunwik ākose meyikook metatwow tutoo kiche metatoomitunow mātuwakuna; wetumakook kitta pupamootatchik

misewā peche otā, mena piko kākwi ka nutowāye'-tukik keyam kutta mātuwakāтчik, pāuk piko numoweya. Nantow otā Mr. Sankey oo kitoochikunik ustak. How, wuyuwek ucheyow—numa na ket itāye'tānawow nekan ākota kitta nunatowe kiskāye'-tumwuk kākwi unima ka kachikatāyik? Numoweya kotnk kākwi etukwun ekooyekook meywasin kitta waputukik, āwuko piko ka ke' wetuma'tchik āka kitta saminukik. Awuko maka o'che ākaweya itāye'tātak awusimā ā muchatisit Adam ispech keyanow. Adam ke' pukitinow kitta kootāyimit Edenik, ākose Satana petookāyewa. Numoweya ne kiskāye'tān taneyekook ākotā ka ke' ayat (Satan) maka net-itāyetān numoweya ke' ayow apetow tipuhipesimwan peyis kakeyow ootayaneyewā Adama sasai ā muskumat. Wapumik ākota ā oōskatisit unoochekā oochicheyik ā o'che pukitinikoot ka osehikoot. Sātana petookāyewa, kootāyimik, ākose sāmak pukisin. "*Numa muskowatisew.*"

Akwa maka Muneto pukitinumowāo ayiseyinewa usootumatoowineyew. Itāo Ābrahama, "Wapumik uchukoosuk kesikoo'k, mena yākow sisootāk kiche kumek; ket awasimisuk tapiskoo'ch kutta ute mechātewuk. Ke ka sawāyimitin, mena ke ka mechātoohitin uskek." Maka waputumook āspeche mistuhe wunetotuk usootumatoowin ayiseyinew! Mate ayumetak. Wuyuwetisuwowuk Egyptik o'che, waputumwuk kiskinoowachichikuna, mena ka mamuskatāye'-takwuk isichekāwina, peyis tukoosinwuk netamutīnik Sinai wuthek. Ākose māka Munetowa kānatuneyik oot itusoowāwineyew meyowuk. Numa che ke' kiche itwāwuk kitta tipetotukik? "O aha," itwāwuk, "kāchenach ne ka kunowāyetānan itusoowāwin." Āspeche meyoo ayumitchik, ākwa mitoone kutta totumwuk, kitta itāyimowuk. Chāskwa maka upises peyis Moses mena Joshua kwāskekapowitche utcheyow! Ka nekanāyetakoositchik numoweya kinwās nukutāwuk ā koospamutchehewāтчik kitta ayumehatchik Munetowa, eyekook ā ute itwāyit (ayiseyinewa) "Tanta etookā uspin owā napāo Moses? Numoweya

ke kiskāyetānow tanta āyat. Ākwa osehatak *kotruk* Muneto kitta nekanotakooyu'k, Aaron! Osetowinan Oosawapiskoowe Moostoosisekan; ohee oosawapiskoonakuna Egyptianuk ka ke' meyikooyak! Osetowinan kotuk Muneto!" Ākose ā kesichekatāyik, ke kiche tāpwāwuk, mena ke' ochichekwunupestowāwuk. "Ma! Nutootak; kākwi tāpwāwin āwuko ka pātuman?" itwāo Moses, ā pāyasuchehewāt wuchek o'che. "Kwachistuka," Joshua, itwāo, "Nootinitoonanewun! Ka sakootwat tāpwāo." "Ah, numa," itwāo Moses. "Numoweya ākose ka sakoo'twatchik ka tāpwā'tchik, Joshua, oo munetookasoowuk āwunkwunik. Sasai ke' wunekiskisetotowāwuk unehe Muntowa ka ke puspitisinikootchik Egypteyinewa o'che, ka asuwukamā pimotohikootchik mikwakume wene-pākook, ka ke usumikootchik kiche kesikoo'k o'che—Āngela oo mechimeyewa. Ā ke asootukik kitta kunoo-wāyetukik itusoowāwina, wunekiskisewuk. Sasai nekan ka itusinuhikatāyike pekoonumwuk—"Numa kotuka munetokana", mena 'numa nuspitakun." Osetamasoowuk kotuka Munetowa—oosawapiskoo munetokan." Mwāche maka ākose ayiseyinewuk ke' pā totumwuk kakekā ākoospe uspin. Mechāte-wuk ayiseyinewuk ka ochechekwunupestowa'tchik oosawapiskoo moostoosisa ispech Munetowa kichekesikoo'k ka aya-yit. Waska ita ka ayayu'k itapik, pā mākewuk meyoo muchehoowin, meywāyimoowin, mena keya māyimoowin. "Meyin nistoomitunow wapiskewe sooneyasa ākose ke ka meskootoonumatin Christ." "Pukichikāwinik ne ka ise wāpinow net iskwām, net awasimisuk, mena ne pimatisewin upises minikwāwin meskooch. Ne ka pukitinow net a'cha'k meskooch minikwāwin!" Wātun kitta nanipoomuk ookee ayiseyinewuk chikāma ā ke' ochechekwunupestowat-chik oosawapiskoo moostoosisa. Maka kākwi ka totumuk keyanow. Ah, ayiseyinew ākospe ke wunetew, mena kāyabich wunetew unoo'ch iskoo.

Ākwa maka Muneto ke meyāo ooyusoowāweyineyewa—mitoone ā meyoo tipāyimikooyit; kāyabich maka cheest pāukwow āspeche wunetit! Ākoospe

maka uspin uneke ooyuwachekāweyinewuk pā eto-
wuk ; maka mena wunetewuk !

Maka ākwa Wākoosisik pāoototāo kiche kesikoo'k,
oo peyoomoowineyik Otaweya. Kiche upewinik
oototāo ā we' pā kiskinoohūmakooyu'k tanise kā
itatiseyu'k. Ke ke' otinānow, mena ke ke' nipuha-
now Calvaryik. Kāyabich ākose ayiseyinew *pisistik*
ke *wunetew*.

Ākose maka unoo'ch nesookumakāwe *etewinik*
keyanow ke pimatisenanow — Meyooayawin tapwā
oma. Tapiskoo'ch ā kimewuk Muneto ke suwāyimi-
koonow, ispmik o'che. Maka tanise āyat ayiseyinew
nesookumakāwinik ? Tapwā isa mistuhe *wunetew*.
Wapumik una napāo ā keskwāpāt, mākwach ā pimo-
tāt tukinā ā pa-pukisik peyis yikwukuskanik weyow,
mena oot a'cha'k kakekā iskootāk. Wapumik ka
nisewunachihisootchik oopisikwatisewuk mosuk ka
pupamootātchik. Waputumook nisewunache'hisoo-
win, mena muchaspināwin. Waputumook muchatise-
win mena muchetotumoowin misewā ka nookwuke
ākose wetumowik kespīn *numa* wunetew ayiseyinew
mākwach nescokumakāwinik !

Aha, tapwā, putuhumwuk meywatisewin ayiseyine-
wuk. Ne ka ke' waputān misewā millenniumik awu-
sitā ; Christ sasai tipāyetum uske pāukwow kiche
metatoomitunow uskewina ; maka kāyabich wunete-
yewa. Chikāma “ā poonepuyeyike āwukwunehe tu-
too uskewina, Satan kutta apuwow kipuhootooweku-
mikoo'k o'che, mena kutta papamootāo kitta chesehat
ayiseyinewa misewā itā āyayit uske'k. Goga mena
Māgoga kiche mawachehat nootinitoowinik. . . .
Mena waskakapowestumwāwuk oot etawineyew ooku-
nachehoowa, mena kunache ootānow ! Mena iskootāo
pāyasemukun Munetook o'che ita kā o'che iskwasoot-
chik. Kākwi ka kwetuma't ayiseyinew, āwuko kotuk
netawekewin—kitta o'che netawekit. Kukāpatise-
mukun unima itwāwin, “Kayas ka ke ekik o'che
kiskinoohumasoonanewun.” Tapwā kinwās sasai
ākota ke' pā schoolewew ayiseyinew, ākose numo-
weya chāškwa kiskāye'tum oot ayumichikāwin—ā

nāsoowatisit, mena āka a nuhet. Kāyabich mistuhe itukitum weya kāchewak oo muskowisewin. “Ākwa unoo’ch o’che ne ka sokekapowin,” itwāo, sasai nē miskān tapwā ka totuman. Ne ka ke’ tipetotān itusoowāwin ākwa.” Maka sāmak ooskuch ka kootāyimit, pukisin. Ayiseyinew numoweya tapwātowāo Munetowa ā muskowiseyit. Ayiseyinew numoweya we’ itisoo. “Ne wunetin, numa ne kusketan.” Ākose maka kitta pukitinisoot kitta pimachehikoot Christa oo muchetewina o’che.

Maka nūmache nowuch kesach ota uskek kitta miskumisooyuk ā wunetotasoooyuk mena kitta natu’k Christ kitta pimachehikooyu’k ispech kāyabich kitta nipayu’k kakekā iskootāk maka kitta naspiche pukisineyu’k āka ā kiskāyimisooyu’k ā muchatiseyu’k ?

Ne kiskāye’tān āka ā meywāyetu’k eyinew oma kukāskimewāwin, kakeyow ā ke’ muchatisit mena ā nootāyatisit. Kespın ke’ kukwā miskuman mawuch ka nuyātowuk pisketusinuhikunis kiche musinuhikunik, numoweya etookā ne ka ke’ miskān kotuk ekooyekoo’k āka ā saketanewuk ispech oma. “*Numa petoosāyimowuk.*”

Ne ka ke’ itāye’tā,—mena kwiusk ākose kitta itāye’tuman net itāye’tān—Noah askow ā sipwātāt, pitima ā nukutuk *Mistote* ka osetat, kitta kukāskimewāt. Ka mamayaskukik maka ā pisichitukik āka maka ā pātukik ootamahikunis apo kotuk apuchichikun, itwāwuk, “Sasai poonetow Noah oma—numoweya kutta kesitow.” Maka ute wetumowāo weche ayiseyinewa, kāchenach kitta yiskepāyik misewāskumik, ākose kakeyow oomuchatisa kitta nisewunatiseyit—itāo, “*tutoo* ayiseyinew āka ka petookāt mistotik kitta nisewunachehow,” “*numoweya petoosāyimowuk.*” Maka ke ka ke’ pātowow pāuk ā itwāt. “Nowuch kitta keywāyun, Noah, kitta kesetayun ket utooskāwin, ispeech ota kitta pā pekiskwāyun pikwunetow. Numoweya etookā ket itāye’tān ekooyekook ā kukāpatiseyak kitta tapwātatak. Kakeyow tapiskooch kitta nisewunatisitchik, ket etwan.” Tapwā che ket itāyiminan kitta tapwātumak, kakayow, kiche oke-

mowuk, kiche okemasisuk, okemowuk, ka pukooset-watchik, ookimootiskuk, mena oopisikwatisuk kakeyow kitta nisewunatisitchik tapiskooch!" "Aha," itwāo Noah, "yiskepāwin patima'kā itukwuk kakeyow ke ka otitikoonawow—tu'too ayiseyinew āka ā petookāt mistotik kitta nipew. Numoweya petoosāyimow. "Mitoone keskwāo Noah, kāchenach ke itāye mawuk. Maka kakeyow, numache, ke nisewunachehowuk yiskepāwinik. Kiche okemasisuk mena oopukoosetwowuk. Oowuyāsehewāwuk mena kiche okemowuk—petoos che ke' itāyimowuk? Numoweya petoos.

Ispe ka nisewunachehewāt āngel we' itootāo misewā Egyptik, kāchenach una ka kistāyimoot Egypteyinew ke' papehāo ka kitimakiseyit Israelita ā sekinumeyit mikooyew oot iskwatāmik. "Pikwunetow ka totu'k oma" kutta ke' itwā, ā papinoota'wat. "Miko ā sekinikatāk iskwatāmik! Kespīn tapwā ekinookwā numoweya kutta poonepuyew āwuko o'che, numoweya ne tapwātān kitta we' tukoosinomukuk nipoowin; mena kespīn tapwā nipenanewun, okee ka kitimakisitchik kutta nipewuk maka neyanan! numoweya 'kāchenach." Maka ispe otichipuyew mitoone unimāyew tipiskow, "numoweya petoosāyimowuk." Kiche Okemow oo mawuch māyoonakwuk oo waskuhihikunik, ka kipuhoot kipuhootoowikunikoo'k, oopukoosetaweyinew māskunak—tapiskoo'ch ise ayowuk. Misewā waskuhihikunik ka koostachenakwuk kiche Okemow ke' petookāo, misewā uskek mawekātāwuk. Ka kitimakisit wekek, ka kichayewit wekek, ka tipāye'tuk misewā uskek wekek, oostāsimow ke' nipew. Una piko ka kitimakisit Israeleweyinew ke' mayaskak ka ke' sekinuk mikoo iskwatāmik.

Mwāche ākose ispe Munetoo kā pā ooyusoowati-kooyu'k, āka maka ā ayawu'k Christ, tapiskoo'ch ke ka ise ayanow. Ka mistuhe kiskinohuma't, āka ka kiskāye'tuk, ka kichayewit, ka muchāyimit, pukichikāweyinew, Oomusīnuhikāweyinew—numoweya petoosāyimowuk.

Pāukwow mena, ne wapumaw Abrāham ā itootāt

Sodomik, mena nepowew māskunak—ā moyā nise-wunachekatāyik Sodom ā itwāt. “Keyawow Sodom-eyinetik, net ayan Muneto oot ayumewin keyawow o’che.” Kipichekapowewuk ayiseyinewuk ā kunowapumatwow kisāweyinewa. Wapumik, mena wāstukaiya ā wapuskayik ā wawāpastuneyik—“Ket ayakwamimitinawow,” tāpwāo. Muneto kitta nisewunachetow neyanun ootānowa ota muskootāk, mena tu’too ayiseyinew āka ka tupuset uneta wuchek kitta nisewunachehow.” “Ispe pā ooyusoowatikooyākoo numoweya papetoos ke ka itāyimikoowow—kakeyow ayiseyinew kitta nipew. Ka tipāyetuk ootānow, kiche okemasisuk, ka kechayewitchik, ka muskowesetchik, ooyusoowāweyinewuk, sooneyowikemowuk—kakeyow kitta nisewunatisewuk. Ookimootisk, oo muchatis, ka keskwāpāt—aha, kakeyow mitoone tapis-koo’ch kitta wesukoohoowuk nipoowinik. Ochetow numoweya kitta ke’ petoosāyimowuk.” Maka Sodom-eyinewuk ke’ nuskwāwusehāwuk, “Nowuch kitta kewāyun kekek ise’ wuchek Abraham. Numoweya ne tapwātānan pāuk ayumewin. Numawekach awusimā meyooyanewun Sodomik, mena kakeyow kākwi meyoopuyew. Numawekach awusimā ke’ wasetāo pesim ispech unoo’ch. Kakeyow kakwi isenakwun tapiskoo’ch kayas—ākaweya pikwunetow achimoo, numoweya ne tapwātānan.”

Ucheyow piko ākose mitoone pusitāo Sodom! Papetoos che Muneto ke’ itāyimāo unehe āka ka ke’ tapwātumeyit? Numa; numawekach petoos *itāyetum* piko Muneto, kākwi ka itwāt āwukwāyew tapwāwin. “Kakeyow ke’ wunetewuk, mena nootow itatisewuk.” Net ayumichikan kitta pā yiskepāo *iskootāo* o’che ispe maka pā ooyusoowātche Muneto, numoweya petoos kitta itāyimāo oweya, kakeyow ayiseyinew āka ka tapwātawat Christa kitta nise-wunatisew.

Ispe ka ke’ pusitāk kiche ootānow Chikako ākota ne ke ayan. Mākwach ā kiche kwakootāk—chikāma naspich mechātinwa waskuhikuna ka kisewak ā ustāke, kakeyow ā kwakootāke—kakeyow kākwi ā

o'che nisehunachekatāke; ne ke' wapumowuk maka ka kichaye'witchik, ka kistāyimitchik, ka mistuhe kiskinoohuma'tchik, mena ka yipwakatchik. Ā tupu-setatchik iskootāo *tapiskoo'ch* ka pukoosetatchik. Misewā ā kwakootāk ooyusoowāwe kesikow ke itāye'takwun. Numoweya oweyu'k, ka tipāye'tuk otānow, apo ka muskowsetchik, apo ka yipwakatchik, numoweya kusketowuk kitta astuwāhukik ka kiche pusi-tāyik. Tapiskoo'ch ke' isenakoosewuk ākoospe, uneke naspich, ka ke wāyootisitwow oopukoosetāweyin-wa ke' nuspitowāwuk āwuko ā tipiskayik. Tukoo-sinomukuke ooyusoowāwe kesikake numoweya petoos kitta itāyimowuk. Ka ke' yiskepāk numoweya petoo-sāyimowuk. Awusimā kitta ke tipuhekatākepun Noah oot Arkim ispech misewā kākwi uske'k. Ootakoospek ke' papehikatāo. Mena kespīn ke' atawakanewun numoweya oweyuk kitta ke' otināty piko mita o'che. Maka ke' yiskepāo ākose awusimā itāyetakwun ispech misewā uske. Mena ispe ooyusoowāwe kesikake Christ awusimā kitta itāyetokoosew ispech uske—ispech metatwow kiche metatoomitunow uskea. Kespīn maka ke' koostachenakwun ākoospe kitta nisehunatīsetchik wuyuwetīmik Arkik awusimā kitta koostatāyetakwun ā muchatīseyuk āka ā ayowuk Christ kitta natumuk yikwuhuskan.

Ke ka ke' nisetotātawow kākwi ka ke' kukwā waputāhitukwow—*tapiskoo'ch* ka keyow ā muchatīseyu'k. Kespīn numoweya nookwun āwuko pikwunetow tapwā ke mowuchehitoonow unoo'ch ka tipiskak. Nantow pāuk apo nesoo awāchikun kāyabich ne we' apuchetan. Ne wetān peyis awasis kitta ke' nisetotuk. Akamuske'k kayas, itwāwuk ke' mātowakāwuk mistik ā chimutāyik tukoo'ch maka ā ustatchik waweyakinikun, ākose pīmotu'kwāwuk. Kespīn oweyuk putuhum, *oomuchatis* isīnekatow. Mate maka, kespīn ota nantow ispīmik chimutāke ākotoowe mistik. Net ayan neya, metatut ukuskuk mena Mr. Sankey ota kāyabich metatut. Pāuk ukusk net otinow. Kwīusk ne kunowaputān ata, mena pīmotukwan. Ah! ne putuhān. Oomuchatis net isīnekasoon.

“Maka āyewāk” net itwan, ne ka kochehowuk kotuk—pāukwow piko ne putuhān.” Tapiskoo’ch atét ā’kukwā kunowāye’tukik itusoowāwin pāuk piko numoweya! Mena ne pimotokwan, né putuhān mena. “Maka ayenanāo net ayawowuk kāyabich,” ākose mena ne pimotokwan—ne putuhān! Kakeyow net apuchehowuk ā pimotokwāyan—misewā ne putuhān. Nistum *oomuchatis* ne ke’ isene’katikowin. Oomuchatis kāyabich *unoo’ch*, numoweya petoos net isneka-soon ata misewā ne putuhān. Ākwa Mr. Sankey pāsewāo ukuskwa—metatut. Pimotokwāo—mwāche sapoototum. “Ke waputān na āwuko,” ne’tik. “Ākoo-sane,” net itow, “ākaweya maka kakechemoo patima piko kakeyow kuskehutche.” Kotuk otināo ukuskwa. mena mwāche kwiusk āwuko. “Hā! ke waputān na āwuko,” “Ākaweya kakechemoo,” mena net itow, “patima piko misewā metatut kesehutche.” Kespīn ayiseyinew numawekach pekoonum itusoowāwin tapwā kusketow kiche kake’chemoot! Ākwa nistoo otināo. Āwuko mena kwiusk! Kotuk! mena kotuk. peyis kākat metatut. “Ākwa pāuk piko ākwa, ākose numoweya oomuchatis ne ka itikowin” itwāo. “Atuhumakāo mitoone” kitta itow. How! iskwayach otināo. Apeses yiyikaskināo—putuhum isa, *akawach!* Atuhumawow? “*oomuchatis*” kutta itow, *tapiskoo’ch neya*.

Net otām, numawekach che ke ke’ pā putuhān ka ke’ we’ totumun? Numa na nootow ke ke’ totān? Ne ka meywāye’tān kitta wapumuk napāo ākawekach ā ke putuhuk. *Numawekach ke’ etow*.

Ne ke’ petokan pāukwow ita ka nutoomitwow napāwuk kitta semakunisewehitwow. Ke mechāte-wuk. Maka nutoomikowin itwāmukun neyanun misit mena apetow mwāche apo awusimā oo ka’ iskoo-setawow. Nesoo napāwuk ne pātowowuk ā ayumehitoochik. Pāuk itwāo, net ayan meyoo achimikoowin, pāuk ka meyit ka tipāye’tuk ootānow, mena kotuk kiche ooyusoowāweyinew ka meyit. Kotuk itwāo, net ayan maka pāuk una pāuk kiche okemasis o’che. Kāchenach ne ka otinikoowin. “Tapiskoo’ch natāwuk

unehe okemawa ka tipuhoowāyit mena meyāwuk oo meyo achimikoowinewow. Tapwā ata mechāt ket ayanawow musinuhikunisa, maka patima piko ne ka ayumetanan ke' kesetipuhootwawe." Ah ke' wunekiskisetotumwāwuk āwukwāyew. Nistum una napāo tipuwow neyanun misita piko. Numoweya ke ka ke' otinitin, itusoowāwin itwāmukun neyanun misit mena apetow, ākose numoweya ekooyekook ke kinoosin." Kotuk itwāo, "nowuch neya ne ka otinikowin ispeche weya chikāma mistuhes ne kinoosin ispech weya." Ute tipuhasoo *kotuk o'che* napāwa. Ākose mosuk totumwuk ayiseyinewuk, tipuhasoowuk kotuka o'che. Tipuhasook Muneto oot itusoowāwin o'che, apo una kāchewa; Munetowekeosisan; kespın maka numa ākose ke' totānawow kāchenach nootow ke ka ayanawow. Akwa ti'puhook ka tipuhookāyit. Neyanun misit, nayanootipuhikunisa mena kākāt kotuk—numoweya mitoone. "Numoweya keya," itik. "Maka naspich upises nootow net ayan," itāo. "Nunoweya nantow," itwāwuk. "Numoweya ke papetoosāyimitinawow." Wuyuwewechāwāo unehe nikootwasik tipuhikunisa ka nootā iskoosiyit. Numoweya kutta o'che osetowuk itusoowāwin pāuk napāo o'che, ata numoweya mistuhe. Mena Muneto oot itusoowāwin itwāmukun āka ā kusketayit ayiseyinewa kitta petookāyit kiche kesikoowe otānowewinik kespın *pāukwow* ke' wuneteyewa. Una ka pekoonuk pu'ke piko itusoowāwin misewā o'che nanipoomow.

Maka ākwa ket itwan, "itukwun che uspāyimowin neya o'che? Kākoo uchukoos kā kiskinowapumu'k ita ka wunetipiskak? Tanise kā totakoweyan? Ne wunisinin tapwā, ā a'cha'koweyan, chikāma ne ke' pā wunetin ooskuch ā awasiseweyan peyis unoo'ch ka kesikak."

Kutta nunaskoomow Muneto, net otāmetik, ākota ita ka aputuneyik meyoachimoowin. "Keyanow o'che oomuchetew ke' isehow una āka ka ke kiskāyetuk muchetewin." "Ke' wesukoohow ke muchetewinewowa o'che; ke' pukuhumawow ke wunetewinewowa o'che; ke pusustāwow kiche o'che keyamā-

wiseyu'k keyanow, oo pusustāhookōowina o'che ke' nunatowehikoowinenow." "Kakeyow keyanow tapis-kooch mayutchikwuk ke ke' wunisininanow. Kakeyow pa-pāuk tipeyuwā ke māskunano'ra ke ke' pimitisuhānanow ākose Ka Tipāyechikāt ke nuyutum misewā ke muche'tewinenowa."

Ke kukwāchiminawow kākwi ka uspāyimoototuman; Christ ā ke' nipoostumowit, ā muchatiseyan, *meskooch* neya, ākose maka āwuko o'che ne ka ke petookan kakekā pimatisewinik. Kukwāchirik Paul kākwi ka uspāyimototu'k. "Christ ke' nipew ke muche'tewinenowa o'che, ka ise achimit musinuhikunik." Awukwāyew oot uspāyimooowinewow kakeyow kayas ka ke' nipuhitchik oo tapwāyāye'tumoo-winewow o'che—kakeyow isa ka petookātwow kiche kesikoowe iskwatāmik ākota ke' o'che kakechekhowuk. Kespín otinikatāo āwuko pāuk ayumewin kiche musinuhikunik o'che—nipoostumakāwin—ne wunetan net uspāyimoowin. Itusoowāwin o'che kespín numoweya itow Christ kakeyow ke nisewunatisinanow. Ke ke' pekoonānanow itusoowāwin, ākose ooyusoowāwe semakun piko ka ochestumakooyu'k. Kespín ke ka kusketananow unoo'ch o'che kitta 'kunowāye'tumuk, kāyabich etukwun kayas ka pā wunetotumu'k. "Aka ā sekinikatāk mikoo numoweya usānekatāo muche'tewin."

Una piko pimachekhow ka ukwunuhoosoot Christa oo kesichikāwineyew o'che. Kākwi āka ā ke totasooyu'k itusoowāwin o'che Christ ke ke' totumakoonow. Ke' tipetotum mitoone, ākose ke nutoomikoonow kiche wechekapowestowu'k. Keyanow o'che ke' kukwatu'kehow, misewā ka itwāmukuneyik, ke' tipahum misewā ka musinuhikāyu'k. "Weya tipeyuwā ke' nuyutum ke muche'tewinenowa tipeyuwā weyowik asitāyatikook." Iskwayanik iskoo mawuche nistum ke' o'che waputum. Ke' kiskāye'tum nipoowin, nisewunatisewin, mena wesukoohoowin kā otetumuk kespín ā pisikwak ke' nukutikcweyu'koopunā. Ākose maka ke' pā yasew kiche kesikook o'che kitta kiskinohumakooyuk unima ooske mena pimatisewe māskunow, ita ka pimotātchik kakeyow uneke, "ka kwiusk-

isewāpisichik kakeyow unehe kākwiā o'che, ā tapwā-tukik, āka ā kusketatchik kiche o'che kwiuskisewā-pisehitchik Mosesa oot itusoowāwineyik o'che.

Achimow pāuk semakunis kayas mākwach so'ke ā nootinitoonanewuk. Ke' utootow westa kitta weche-hewāt itā ka nootinitoonanewuk. Numoweya we' totum. Akose kotuka itik, ne ka itotan meskooch keya. Ke' nootinitoonanewun, mechāt maka nipuhowuk, una usiche ka ke' itootāt meskooch kotuka. Patima nakāyekoo'k mena nutowāyimowuk napāwuk. Ākose mena utootow owa āka ka ke' itootāt, ā ke' wunemusi-nuhikasoot nantow. "Numoweya ke' ka ke' utoosinawow," itwāo. "Tanāke?" itwāwuk. "Ne nipin sasai," itwāo. "Numoweya ke nipin, ke pimatisin, mena ke meyooyan." "Tapwā, *kāchenamach* ne nipin," itwāo. "Ke keskwan isa. Tanta ka ke' nipeyun?" Wetum tanta mena tanema nootinitoowineyik. "Ākota ke ke' nukusinawow ā ke' nuhineyāk," itwāo. "Tapiskoo'ch oweyuk ka kesk-wāt ke ise ayumin," itwāwuk: maka kayābich^h we' kāchenahoo, ā ke' nipuhit mena ā ke' nuhenit sasai mechāt-oo pesimwa. "Kunowaputumook ke musinuhikunewawa, ma'te, kespin āka ākose itusinuhikatāk," itwāo. Waputumwuk, mena ākose mwāche miskumwuk ka itwāyit. Ke' itusinuhikasoo ā utoosit, mena ā sipwā-tuhit nootinitoowinik, mena ā ke' nipuhit. Omise maka itwāwuk—"Numoweya ke ke' nipin, ke ke' utootow oweyuk meskooch keya kitta itootāt." Ke meskootoonumatoowakun āwuko. "Ne kiskāye'tān āwuko," itwāo, "ne ke' nipoostumak. Numoweya ke ka ke' otininawow, ne ke' nipin āwuko napāo o'che, ne tipāyimisoon. Numoweya ne michiminikoon oyusoowāwin ne tipāyimisoon." Numoweya maka we' kunowaputumwuk ākose ise. Numoweya tapwātowāwuk. Ākose ke' itotuhāwuk Kiche Okemoyewa kitta ooyusoowatikoot. Maka Kiche Okemow ke' itwāo, "Kwiusk mitoone owa napāo ka itwāt, tapwā nipuhow, mena nuhenow, āse itwāmukuneyik ooyusoowāwin! Numoweya nantow ke ka ke' itanow."

Meskootoonumatoowin kāchenach meyooy kunowaputum Una kiche kesikoowe Kiche Okemow. Christ

ne ke' nipoostumak, āwuko ka uspayimoototuman ka kekā pimatisewin kiche ootayaneyan. "Numoweya nanipoomowuk uneke Christ Jesusook ka ayatwawe." Kespīn ke kukwāchemin tanise kā totumun kesta ākose kitta suwāyitakooseyun ke nuskwāwusehitin, Macha, nas Christ weya tipeyuwā kiche kiskinohumask. Ita kitta ke' aya'pun oomuchatis asitayātikoo'k sepa ākota kesta aya. Mitoone kātusakā misewā keya tipeyuwā ke kwiuskisewāpisewin, ākose poostusakā Christ oot ayan. Keyam wāwākinisoo kānatuneyik ooskootaky' o'che, ākose o'tin pisisik ā mumisetotowut unehe āka kitta ke tipuhekatākepun kitta pimachehisk. Ākose ise maka ke ka tipāye'tān ustwapoonekāwina Christ ka ke' utawāt oomikoom o'che. *Tu'too ka ke' o'tinikoot awrukunne ke' meyoō kuskehāwisewin-eyew Muneto ookoosisa kitta ke' isehi:yetepun.* Aha, tapwā. "Muneto ookoosisa;" Kuskehāwisewin kitta o'che sakootatchik uske, mena weyas, mena mucho munetowa; kuskehāwisewin kitta o'che chestuhaskwatukik kakeyow ka kootāyimikootchik muchetewin mena mucho pukoosāyimoowin; kuskekāwisewin kitta o'che tāpwāchik āspeche chekāyetukik a sakootatchik misewā kootāyimewāwin mena mikooskachehikoowin oma pimatisewinik. "Kakeyow kākwi ne kusketan kitta totuman Christ o'che ā muskowisehit."

Ke ke' kukwā wetumatinawow'kuyatā achimoowin, kakeyow ayiseyinewuk ā muchatise'tchik. Maskooch nantow net ayumehow oweyuk ka itāyetuk pikwunetow ā māstinuman ayumewina. "Muneto ne kiskāyimik ā muchatiseyan" tāpwāo. "Numoweya ke nutowāyimikoowin kitta wa-wetumun Uspīn ka pā kusketayan kiche ayumeyan numa petoos ne pā totān piko kitta pekoonuman misewā itusoowāwin uskek apo ispimik ka ayak." How, net otām net ayan meyoachimowin kitta wetumatan—kāyabich kusketow Muneto kitta pimachehisk ata misewā ke pekoonān oot itusoowāwina, tapiskooch ka ise pimachehat unehe pāuk piko ka pā pekoonuk. Tapiskooch ke nipinawow—ke nipinawow muchetewinik. Numoweya nantow weya *ka ispeche nipeyun*, āpo taneyekoo'k *kinwās* sasai ka nipeyun: kāyabich kusketow,

Christ kawē kitta wuniskahisk tapiskoo'ch kotuk. "Numoweya petoosāyimowuk Ispe Christ ka ke nukiskowat unehe ka kitimakiseyit sekowa ā pā wuyuweyit Canāik o'che, ā pimitisawayit ka sakehayit ookoosisa —unoo'chekā ā ke' poonepimatiseyit — numoweya kusketow kitta mayaskowat." Kipichekapowik itāo unehe ka nuyutumeyit, mena sekimāo ka nipeyit kitta wuniskayit. Sāmak tapwātak; una iskwāo maka kawē o'tināo ookoosisa ā pimatiseyit, naspich meywāye'tuk. Mena ispe Jesus ka ke' nepowituk Lazarusa ooyikwuhuskaneyik, sasai nāo kesikowa ā ke nipeyit, numache kāyabich ekooyekoo'k wātun kitta itat, "Lazarus, pā wuyuwe?" Numache tapiskoo'ch wātun kitta wuniskāhat Lazarusa, sasai nāc kesikowa uspin ka ke' poonepimatiseyit, mena unehe ooskinekewa pāuk piko kesikow uspin ka ke' nipeyit? Aha, mwāche tapis-koo'ch wātun; numoweya petoosāyimāo. Kakeyow tapiskoo'ch ke' nipeyewa, mena Christ mwāche tapis-koo'ch kusketow, ā meywāye'tuk, ā sakehat, kitta pimachehat. Awuko maka o'che, net otām, numoweya ke ka ke' itāye'tān āka kitta kusketat Christ kiche pimachehisk. Christ Ke' *nipoostumowāo āka ka oomunetoomeyit*. Kespīn unoo'ch ke kwāskekapowestowow mitoone ke taik, mena ā o'tinut kiche pimachehisk mena oomunetoomisk, net ayan kuskehāwisewin oot Ayumewinik o'che kitta ititan *kāchena-mach āka kittu wuyuwewāpinisk*.

Mena maka keyawow āka chāskwa ka moosetayāk ā muchatiseyāk—ka itāyetumāk mistuhe petoos neya—keyawow ka nunaskoomāk Muneto āka ekooyekoo'k ā muchatiseyāk eyekoo'k kotukuk ayiseyine-wuk—ayakwamisik. Muneto numoweya we' ayumehāo unehe tipeyuwā ka kwiuskisewāpisehisooyit.

Kespīn maka numoweya ke tuputāyimoohisoon ā tastumupit usiske'k, mena kitta wetumowut ke wunetewina mena muchetewina, kiche kesikooweiskwatām ka pasketākootāk weyawow piko o'che *ka muchatisitchik*, ā pimachehitwow *kisāwatisewin o'che*, kutta kipuhikatāo keya o'che kakekā.

Kunowāye'tum āwuko iskwatām Jesus Christ, kakeyow ākwa keyam pā natik, ā wetumāk ke muchetewinewow, ākose ke ka petookwuhikoowow.